

Arrius Ertz-ketzer zu Alexandria.



ARRIVS BISCHOP.

Nach Christi geburt 344 / ist ein Bischoff zu Alexandria geseffen / mit dem namen Arrius / gelehrt vnd wolberet / seine gestalt scheinbar vnd woll geformet / also auch das er mit seiner lehre vnd Ketzerrey / nicht allein den Pabst Liberium / den Keyser Constantinum vnd Constantium / sondern auch schier die gantze Christenheit abn im 368 / verleitete vnd vberreite der massen die leut / das kaum drey Bischoffen in der gantzen Christenheit vbrig waren / die beständig ihren alten glauben recht predigten / alle hiengen sie ihre ohren zu dieser scheinbaren Ketzerrey / der halben nootwendich das Concilium zu Nicenen verordnet wirt / dan auch der Arrianen nammen so heufig zu / das sie gantz gewaltig wurden / verfolgten die andere Christen so heftig / des gleichen verfolgung zu ketzerzeit ist gehoozt worden / die ihres glaubens nicht wolten sein / sein verlagt oder todtgeschlagen / wie man liest das sie die leute zu ihrem glauben zwungen. Seine lehre ist gewesen / das der Sohne mit dem Vatter nicht ewig gleichs weise / noch einer substantz / sondern geringer vnd weniger dan der Vatter / gleich woll eines sinnes vnd willens mit dem Vatter: dar zu brachte er die spruch Joannis: Ich vnd der Vatter seind eins / bedeut eins sinnes vnd willens / aber nicht weßens. Wie woll sie in Gott nemten / vnd in einen grossen Gott zu sein nicht leuchten: dan noch glaubten sie nicht ihm den lebendigen waren Gott zu sein / in den weßen noch in der substantz ihm gleich. Sie waren sehr geschwind alle vrsachen die man ihnen mit geschriff fur brachte zu widerlegen / vnd drungen alle auff den einigen waren Gott / gleich wie die Juden thun. Wan man ihnen fur warffe: Ich vnd der Vatter seind eins / sagten sie / heist hie eins / eins weßens vnd substantz sein / so ist Paulus vnd Apollo auch ein mensch vnd substantz gewesen / die wil 1. Cor. 3. sieht / der da pflantz / vnd der da bezeugt seind eins / bedeuten dis eins sein auff den willen vnd sinne / wie man von zwey göte freunde spricht / diese zwey seind eins / also verstehen sie es auch von Christo. Das wort drey eyenigkeit / hielten sie fur ein spott vnd menschen fabel. Nenneten Christum einen Creaturen / vnd Sohne Gottes: den heiligen Geist einen Creaturen Christi also von Christo geboren vnd aus gangen: sagen auch / das er sein anfang von Maria genummen / vnd ist fur Maria nicht gewesen. Sie wiedertauffen alle die / die in dem namen der heilige Dreyfaltigkeit getauft sein gewesen. Sie glaubten nicht das Christus nach dem Geist / oder nach der Gottheit Gottes Sohn sey / allein nach der menschheit / dan Gott hatt keinen Sohn. Arrius zu Nicenen ins Concilium kummende mit viele Bischoffen / die auff seiner Secten waren / verwies er den Athanasium der Schwartz e kuns / vnd verachtete ihrer lehre. Als er nun auff ein mahl seines gefügs ihun wolte / entviel ihm sein eingewand aus dem leibe vnd starb.

